

Krizni štab Ministarstva zdravstva Kantona Sarajevo u cilju daljnog praćenje situacije i poduzimanje mjera radi sprečavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprečavanje i suzbijanje od interesa za Federaciju BiH, na 8. sjednici održanoj 10.03.2020. godine, sukladno odredbi člana 4. Poslovnika o radu Kriznog štaba Ministarstva zdravstva Kantona Sarajevo za praćenje i analizu situacije izazvane novim Coronavirusom (COVID -19), donio je sljedeću

N A R E D B U

1. Nalaže se bolničkim ustanovama u Kantonu Sarajevo da zabrane posjete bolnicama, kao i u ustanovama socijalne zaštite koje zbrinjavaju djecu, mlade i stare osobe na području Kantona. Isto tako, nalaže se zdravstvenim ustanovama otazivanje nastave za dake srednjih zdravstvenih škola i studente fakulteta zdravstvenih usmjerena.
Rok: Odmah.
2. Nalaže se zdravstvenim ustanovama na području Kantona Sarajevo da obavljaju samo neophodne specijalističko-konsultativne preglede, po procjeni specijaliste i tima obiteljske medicine.
Rok: Odmah.
3. Osobama starije životne dobi i hroničnim bolesnicima preporučuje se da smanje odlaske u zdravstvene ustanove, ukoliko im nije prijeko potrebna zdravstvena skrb. Preporučuje se najprije zdravstvenu ustanovu – ambulantu obiteljske medicine kontaktirati telefonom, ukoliko je osobi ove dobi potreban recept ili liječnički savjet.
Rok: Odmah.
4. Nalaže se svim zdravstvenim ustanovama u Kantonu Sarajevo, javnim i privatnim, da pacijente sa akutnim respiratornim simptomima i febrilna stanja **ne upućuju direktno na Kliniku za infektivna oboljenja ili na Kliniku za plućne bolesti i TBC KCUS-a i Opću bolnicu "Prim. Dr Abdulah Nakaš"**.
Rok: Odmah.
5. Osobe koje imaju akutne respiratore simptome i febrilna stanja, a nisu pod zdravstvenim nadzorom, nemaju istoriju putovanja u ugrožena područja u prethodnih 14 dana, kao ni kontakt sa osobama koje su putovale u ugrožena područja, potrebno je da pozovu dežurne brojeve telefona nadležnih Domova zdravlja Kantona Sarajevo, kako bi dobole savjet i instrukcije za dalje postupanje. Samoinicijativni odlazak u Hitnu medicinsku pomoć ili urgentne centre Opće bolnice "Prim. dr Abdulah Nakaš" i KCUS-a je kršenje Zakona o zaštiti stanovništva od zaraznih bolesti FBiH (Sl.novine FBiH br. 29/05).
Rok: Odmah.
6. Nalaže se osobama koje su **posljednjih 14 dana boravile u zemljama koje se ugrožena zarazom novim koronavirusom** (posebno Kini, Italiji, Južnoj Koreji i Iranu, i sva druga ugrožena područja), a nisu prošle sanitarnu kontrolu na graničnim prelazima i **nemaju izdato rješenje o zdravstvenom nadzoru/samoizolaciji, da se obavezno telefonski jave nadležnoj epidemiološkoj službi Zavoda za javno zdravstvo Kantona Sarajevo** na otvorene brojeve telefona, u cilju uspostavljanja zdravstvenoga nadzora i vođenja registra.

Ne provođenje ove mjere zaštite stanovništva od zaraznih bolesti podliježe krivičnoj odgovornosti

7. Rok: Odmah.
8. Nalaže se hotelima, hostelima i vlasnicima privatnih apartmana – iznajmljivači da ažurno vode Knjigu stranih gostiju i registruju dolaske stranih gostiju – turista iz ugroženih područja (posebno Kina, Italija, Južna Koreja i Iran, a i drugih ugroženih područja) ili gostiju koji su u posljednjih 14 dana boravili u ovim područjima, te da u tom slučaju odmah telefonski kontaktiraju nadležnu epidemiološku službu Zavoda za javno zdravstvo Kantona Sarajevo na otvorene brojeve telefona, u cilju stavljanja stranih gostiju pod zdravstveni nadzor. Ne provođenje ove mjere zaštite stanovništva od zaraznih bolesti podliježe krivičnoj odgovornosti..
9. Rok: Odmah.
10. Nalaže se zdravstvenim ustanovama, javnim i privatnim, da u slučaju sumnje na oboljenje od novog koronavirusa slijede algoritme komunikacije, pregleda i prijevoza iz Kriznog plana pripravnosti za postupanje nadležnih institucija u kantonu u cilju poduzimanje mjera zaštite stanovništva od zaraznih bolesti.
Rok: Kontinuirano
11. Zbog promjene epidemiološke situacije u svijetu, Evropskom regionu i Bosni i Hercegovini, a shodno Naredbi Kriznog štaba Federalnoga ministarstva zdravstva od 03.03.2020. godine nalaže se da J.U. Opća bolnica „Prim. Dr. Abdulah Nakaš“ shodno raspoloživim bolničkim posteljnim kapacitetima hitno napravi preraspodjelu posteljnih kapaciteta kako bi se omogućilo zbrinjavanje većeg broja oboljelih u bolničkim zdravstvenim ustanovama na području kantona.
Rok: Odmah.
12. Nalaže se zdravstvenim ustanovama u Kantonu Sarajevo, da, shodno razvoju i promjeni epidemiološke situacije u svijetu, Evropskom regionu i Bosni i Hercegovini, pripreme planove stavljanja zdravstvenoga kadra na raspolažanje za potrebe zbrinjavanja većeg broja oboljelih u zdravstvenim ustanovama na području Kantona, a sukladno odredbama Zakona o zaštiti stanovništva od zaraznih bolesti FBiH (Sl.novine FBiH br. 29/05).
Rok: Odmah.
13. Shodno promjeni epidemiološke situacije u svijetu, Evropskom regionu i Bosni i Hercegovini, kao i procjeni epidemiološkoga rizika, otkazuje se održavanje javnih skupova u Kantonu Sarajevo na kojima se okuplja više od 250 učesnika, sukladno propisu o javnom okupljanju. U narednom periodu Krizni štab će, shodno procjeni epidemiološkoga rizika, izdavati daljnje instrukcije za održavanje javnih skupova sukladno propisima o javnom okupljanju.
Rok: Odmah
14. Nalaže se svim osnovnim i srednjim školama, javnim i privatnim, u Kantonu Sarajevo, da nastavnici i učenici, koji imaju simptome respiratornih bolesti, ne dolaze u školu. Isto se odnosi na odgajatelje i djecu u obdaništima. javnim i privatnim, Nepridržavanje je kršenje Zakona o zaštiti stanovništva od zaraznih bolesti FBiH (Sl.novine FBiH br. 29/05).
Rok: Kontinuirano.

15. Nalaže se hotelima i ugostiteljskim objektima, da kontinuirano provode opšte mjere za sprečavanje i suzbijanje zaraznih bolesti utvrđene članom 10. Zakona o zaštiti stanovništva od zaraznih bolesti (Sl.novine FBiH br. 29/05). to: osiguranje higijenski ispravne vode za piće, osiguranje zdravstvene ispravnosti životnih namirnica i sanitarno-tehničkih i higijenskih uslova za njihovu proizvodnju i promet; uklanjanje otpadnih voda i drugih otpadnih materija na način i pod uslovima kojima se osigurava zaštita od zagadivanja voda i zemljišta, kao i održavanje glodara i insekata na biološki prihvatljivom minimumu; održavanje sanitarno-tehničkih i higijenskih uslova: vršenje obavezne (preventivne) dezinfekcije u: objektima za proizvodnju i promet namirnica i predmeta opšte upotrebe, te sirovina za njihovu proizvodnju odnosno prevoznim sredstvima namijenjenim za njihov prevoz; objektima odnosno prostorima za uklanjanje otpadnih voda i drugih otpadnih materija, kao i prostorijama hotela i ugostiteljskih objekata i dr.

Rok: Kontinuirano.

16. Program obavezne imunizacije se ne obustavlja.

17. Ova naredba stupa na snagu danom donošenja.

Broj: 13-20/2020
10. marta 2020. godine
S a r a j e v o

Prof.

